

## Avatangiisinut politikki

GrønlandsBANKENip avatangiisinut akisussaaqataanermi, aningaaseriviup CSR-imut suliniutai pingaartitaalu, "Kalaallit Nunaannilu Suliffeqarfiit Pitsaanersaasussatut" anguniagai aallaavigai.

GrønlandsBANKENip niuernikkut, inuiaqatigiinnullu pingaarutilinnik sullissinermini avatangiisit eqqumaffiguassavai, sulisunut, atuisunut, piginneqataasunut inuiaqatigiinnullu tamanut iluaqutaasumik.

Taakku saniatigut aningaaseriviup UN Global Compact-imut, FN-ip suliffeqarfinnut, kattuffinnullu inooqatigiinnermut akisussaaqataanermullu, avatangiisinut tunngatillugu aalajangersagai pingasut malissallugit akuerisimavai:

- Suliffeqarfiup avatangiisinut unammilligassat mianersorfiginissaat tapersorsorjaa
- Suliffeqarfiup avatangiisinut akisussaaqataanerup siuarsarnissaa suliniutigaa
- Suliffeqarfiup teknologiip avatangiisinut mianerinnittup ineriartortinnissaa siammarternissaalu kaammattuutigaa

Avatangiisinut politikkip sulinitsinni avatangiisinut tunngasuni aqutsinerput, anguniagaqarnerpullu sinaakkusersorjaa, niuernermilu pilersaarutitsinnut nalinginnaasumik ilaatinneqassalluni. Ingerlaavartumik piginnaasanik atuinerput, sulinitsinnilu avatangiisinut sunniisartut pingarnerit nakkutigissavagut, pitsanngorsaatisanillu anguniagartalinnik pilersaarusiortassalluta. Avatangiisinut pilersaarusiukkamik suliniuteqarnitsigut aningaasartuutit, piginnaasanillu atuinerit annikillissavagut, sulisut, atuisut, aningaasaliisartullu piginnarnissaat, peqataarusunnissaallu anguniarlugu, aammalu pisortat pilersuisullu suleqatigineri annertusarlugit.

Sulisut tamarmik avatangiisinut politikki ilisimassavaat, sapinngisamillu avatangiisinut suliniuteqarnermi peqataasarlutik. Sulisut aningaaseriviup avatangiisinut tunngatillugu avammut kiinarai pingaarutillit, sulisullu erseqqissumik ilisimassavaat, avatangiisinut atatillugu suliniuteqarneq, niuernermut inuiaqatigiinnullu pitsaasuusoq.

UN Global Compact-imi aalajangersakkat aallaavigalugit pilersuisugut piumasaqarfiginerulerniarpagut, periarfissaatillugulu pilersuisut tigussaasunik avatangiisinik, inuit pisinnaatitaafiinik, isumannaallisaarnermik, peqqinnermillu mianerinnittut salliutittarniarlugit.

Avatangiisinut suliniuteqarnerput, tassungalu tunngasunik suliagut unammilligassanut naapittakkatsinnut, soorlu aamma teknologiip ineriartornerani periarfissanut nutaanut ingerlaavartumik naleqqussartassavagut. Ukiut tamaasa avatangiisinut tunngatillugu pilersaarutigut nalilersorlugillu nutartertassavagut. Ilisimasagut misilittakkagullu avatangiisit mianeralugit suliniutinut, nioqqutinullu nutaanut ineriartortitsinernut atortassavagut, sulisunut, atuisunut, piginneqataasunut, inuiaqatigiinnullu tamanut iluaqutaasumik.

Angusat unammilligassallu pillugit attaveqarnikkut, aningaaseriviup avatangiisinut atatillugu avammut kiinaa ersarississaaq, siumullu isiginermik, akisussaaqataanermillu takutitsissalluni. Ilisimasamik misilittakkanillu suliffeqarfinnik allanik, pisortaqarfinnik, kattuffinnillu avitseqateqartarnikkut il.il., suliffeqarfittut inuiaqatigiit ineriartornerani sunniuteqarluarsinnaasutut, Kalaallit Nunaannilu suliffeqarfinnut allanut maligassiuisutut avataaniit isigineqarnerput nukittorsassavaa.

Piffissaq ungasissoq isigalugu avatangiisinut suliniuteqarnerup qulakkeernissaa, avatangiisinut pitsanngorsaanerit imminnut akilersinnaanissaannut aningaasaliinissami qitiulluinnarpoq. Siunissamut isigisumik aqqissuussamik anguniakkanik attassiinnarnikkut, avatangiisinut suliniuteqarnitsinni malinnaajuarlutalu pitsanngorsaajuarsinnaavugut, aammalu naqissusissallugu avatangiisinut tunngatillugu suliniarneq ungasissoq isigalugu, aningaaseriviup niuernikkut pilersaarutaanut aammalu CSR-imik suliniarneranut tamarmiusumut ilaasoq.